

11-12. arbo-
rescens. HYPERICUM floribus trigynis corollis calycibusque lævibus glabris, foliis ellipticis, racemis brachiatis, caule arborecente. Tab. XLIII.

Habitat in India Orientali.

Rami superne tetragoni, cortice purpurascente, glabri.

FOLIA petiolata, bipollicaria & ultra, elliptica, parum acuminata, avenia, coriacea, integerrima, supra rore glauco adspersa.

RACEMUS terminalis, compositus, brachiatus, spithamæus. *Pedunculus* universalis partialesque compressi. *Pedicelli* 4 vel quinque ad fingulum articulum pedunculi partialis, breves.

CALYX pentaphyllus: *foliolis* ovatis, glabris, integerrimis, lævibus, nudis.

Petala quinque, longitudine & figura calycis.

FILAMENTA in 3 phalanges usque ad apicem fere connata.

Phalanges extus squarrosæ ex apicibus distinctis parulis filamentorum, tectæ *antheris* numerosis, intus læves.

Germen trigonum, glabrum, ovatum.

Habitus Hyperici guineensis, diversum vero numero pistillorum & inflorescentia.

26-27. gra-
mineum. HYPERICUM floribus trigynis, foliis ovato-lanceolatis, caule herbaceo tetragono superne dichotomo.

Hypericum gramineum: floribus trigynis, caule herbaceo tetragono dichotomo, foliis oblongo-parabolicis. FORST. Prodr. pag. 53. n. 281.

Habitat in Nova Caledonia. Dn. Prof. FABRICIUS.

CAULIS erectus, inferne simplex, superne dichotome ramosus, uti tota planta, glaberrimus, e linea a latere singulo baseos folii decurrente tetragonus.

FOLIA sessilia, unguicularia, avenia, subtus pallidiora, inferiora angustiora, superiora ovato-attenuata, eglandulosa, impunctata.

PEDUNCULI terminales & in dichotomia, filiformes, solitarii, uniflori, pollicares.

CALYCIS *foliola* lanceolata, integerrima, eglandulosa, longitudine corollæ.

STAMINA corollam æquantia.

glandulosum. HYPERICUM floribus trigynis, calycibus ferrato-glandulosis, foliis lanceolatis margine glandulosis, caule fruticoso.

Hypericum glandulosum: floribus trigynis, calycibus acutis serrato-glandulosis, foliis oblongo-lanceolatis pellucido-punctatis, margine glandulosis, caule fruticoso. HORT. Kew. 3. pag. 107.

Habitat in Madera.

Rami obscure tetragoni, glabri, dichotomi.

FOLIA sessilia, unguicularia, glabra, supra nervosa, secundum nervos subtilissime lineata, utrinque punctata, apice & basi acuta, margine glandulis sessilibus.

PEDUNCULI ex axillis ultimis, triflori, solitarius in dichotomia.

CALYX corolla duplo brevior, margine glandulis fuscis.

COROLLA pallide flava, punctis fuscis irrorata.

SCORZONERA.

4-5. undu-
lata. SCORZONERA foliis lineari-lanceolatis attenuatis tomentosis undulatis, caule subramoso.

Scorzonera græca saxatilis foliis angustis undulatis tomentosis. TOURNEFORT Corol. pag. 39.

Habitat

Habitat passim in aridis regni Tunetani.

RADIX perennis, crassitie pollicis, apice e ramentis foliaceis præteriti anni aridis fetosus.

CAULIS herbaceus, erectus, semipedalis, simplicissimus, sæpe basi ramo uno vel altero, altitudine fere caulis, teres, basi apiceque farinaceo-tomentosus, inferne foliatus.

FOLIA sessilia, lineari-ensiformia, sæpe tripollicaria, obscure nervosa, utrinque farinaceo-tomentosa, carinata, infima utrinque attenuata, superiora basi dilatata.

Flos terminalis, solitarius, magnitudine Scorzonerae humilis.

Pedunculus sub flore vix incrassatus.

CALYX imbricatus, radio duplo brevior: *foliola exteriora* ovata, acuminata; *interiora* ovato-lanceolata, omnia margine membranacea,

COROLLA pallide rubra.

Antheræ fuscæ, pollen croceum.

Stigmata ferruginea.

Pappus plumosus.

SCORZONERA foliis linearibus dentato-pinnatifidis glabris, calycibus apice albido *resedifolia.*
cartilagineis, caule erecto.

Chondrilla sicula Tragopogonoides maritima. BOCCON. Sic. pag. 13. tab. 7. fig. A.
& C. A. bona.

Scorzonera resedifolia foliis obtuse dentatis, calycum apicibus tomentosis. LIN.
S. V. pag. 710.

Leontodon mucronatum. FORSK. Descr. pag. 144.

Copiose ad littora maris in arenosis circa promontorium Carthaginis legi.

RADIX fusiformis.

CAULIS erectus, simplex vel ramosus, pedalis & ultra, teres, glaber, uti tota planta, striatus, purpurascens.

FOLIA plurima radicalia, caulina pauca, alternatim inæqualiter dentata: inferiora versus medium folii dentato-pinnatifida, dentibus omnibus mucrone albido cartilagineo terminatis.

PEDUNCULI superne, subramosi, pauci, basi & in medio foliolis sagittatis, integris. *Pedicelli* squamosi, uniflori.

FLORES ratione specierum reliquarum parvi.

CALYX: *foliolis* glabris: extimis ovatis, intimis lanceolatis: omnibus obtusis, squama cartilaginea terminatis.

Calycum apices nunquam tomentosos inveni, constanter autem apice cartilagineo albidos uti etiam apices dentium foliorum.

SCORZONERA foliis inferioribus lyratis laciniis oblongis, mucronatis, superiori- ^{9-10.} *calci-*
bus pinnatifidis. *trapifolia.*

Scorzonera orientalis, foliis calcitrapæ, flore flavescente. TOURNEFORT. Corol.
pag. 36.

Scorzonera pratensis, foliis laciniatis glabris. BUXB. Cent. 2. pag. 27. tab. 22.

Tragopogon reseda minoris folio, supinum. BARREL. Ic. 800.

Scorzonera resedifolia RETZ. Obs. Bot. Fasc. 3. pag. 42.

Legi passim in regno Tunetano.